



3943-0-3-202303311420

N 3943

31/03/2023

საქართველოს გარემოს დაცვისა და სოფლის მეურნეობის სამინისტრო
სსიპ - დაცული ტერიტორიების სააგენტოს ბორჯომ-ხარაგაულის ეროვნული პარკის
ადმინისტრაციის ბორჯომის ვიზიტორთა ცენტრის შენობის და მიმდებარე ტერიტორიის
კეთილმოწყობისა და რეაბილიტაციის სამუშაოების შესყიდვის მიზნით შექმნილი
მუდმივმოქმედი სატენდერო კომისიის სხდომის
ოქმი N 1

სხდომას ესწრებოდნენ:

კომისიის თავმჯდომარე:

დავით იოსებაშვილი - თავმჯდომარე

კომისიის წევრები:

ბესიკი კუსიდი-თავმჯდომარის მოადგილე

თომა დეკანოიძე - თავმჯდომარის მოადგილე

მირზა დევიძე-იურიდიული სამსახურის უფროსი

გიორგი დოლიძე - ინფრასტრუქტურული პროექტების მართვის სამსახურის უფროსი

ეკატერინე ძნელაძე - სახელმწიფო შესყიდვების სამსახურის უფროსი

ირაკლი გოდუაძე- საფინანსო სამსახურის უფროსი

დავით კოპალიანი - კომისიის წევრი-სახელმწიფო შესყიდვების სამსახურის უფროსის მოადგილე

კომისიის აპარატის წევრი:

მარიამ იაშაღაშვილი - სახელმწიფო შესყიდვების სამსახურის შრომითი ხელშეკრულებით
დასაქმებული პირი

გიგა მენაბდიშვილი - სახელმწიფო შესყიდვების სამსახურის მთავარი სპეციალისტი

დღის წესრიგი:

სსიპ - დაცული ტერიტორიების სააგენტოს 2023 წლის სახელმწიფო შესყიდვების გეგმის ფარგლებში
ბორჯომ-ხარაგაულის ეროვნული პარკის ადმინისტრაციის ბორჯომის ვიზიტორთა ცენტრის
შენობის და მიმდებარე ტერიტორიის კეთილმოწყობისა და რეაბილიტაციის სამუშაოების
სახელმწიფო შესყიდვის მიზნით, ელექტრონული ტენდერის ჩატარების მეთოდის განსაზღვრა,
სატენდერო პირობების დამტკიცება და შესყიდვის სავარაუდო ღირებულების განსაზღვრა.

მოისმინეს: კომისიის აპარატის წევრმა, მარიამ იაშაღაშვილმა სხდომის დამსწრე წევრებს შეახსენა,
რომ ბორჯომ-ხარაგაულის ეროვნული პარკის ადმინისტრაციის ბორჯომის ვიზიტორთა ცენტრის
შენობის და მიმდებარე ტერიტორიის კეთილმოწყობისა და რეაბილიტაციის სამუშაოების
შესყიდვის მიზნით, 2023 წლის 7 მარტს გამოცხადებული **NAT230005160** ელექტრონული ტენდერი
არ შედგა, ვინაიდან მასში მონაწილეობა არ მიიღო არცერთმა პრეტენდენტმა. სატენდერო კომისიის
წევრის, ეკატერინე ძნელაძის განმარტებით კვლავ დღის წესრიგში დგას ზემოაღნიშნული
სამუშაოების შესყიდვის აუცილებლობა, რის გამოც უნდა გამოცხადდეს ხელახალი ელექტრონული
ტენდერი.

კომისიის აპარატის წევრმა, მარიამ იაშაღაშვილმა სხდომის დამსწრე წევრებს განუმარტა, რომ
სააგენტოს ინფრასტრუქტურული პროექტების მართვის სამსახურის მიერ, 2023 წლის 28
თებერვალს N2454 მოხსენებითი ბარათით წარმოდგენილი იქნა ბორჯომ-ხარაგაულის ეროვნული
პარკის ადმინისტრაციის ბორჯომის ვიზიტორთა ცენტრის შენობის და მიმდებარე ტერიტორიის

კეთილმოწყობისა და რეაბილიტაციის სამუშაოების განსახორციელებლად საჭირო დოკუმენტაცია, რომლის საფუძველზეც მომზადებული იქნა ტენდერის ჩატარების შესახებ განცხადებისა და სატენდერო დოკუმენტაციის პროექტი.

განიხილეს:

სატენდერო კომისიის სხდომის დამსწრე წევრებმა განიხილეს წარმოდგენილი პროექტი, რომლის მიხედვითაც განისაზღვრა:

1. სატენდერო წინადადების ფასის კლების ბიჯი: სავარაუდო ღირებულების 1%-ის ოდენობით
2. შესყიდვის ობიექტის CPV კოდი: 45450000 - შენობის მოწყობის სხვა სამუშაოები; 45453000 - კაპიტალური რემონტი (შეკეთება) და რეკონსტრუქცია; 45454100 - აღდგენითი სამუშაოები
3. დაფინანსების წყარო: საკუთარი შემოსავლები - 100%.
4. შესყიდვის ობიექტის სავარაუდო ღირებულება განისაზღვრა **310812.00 (სამასათიათას რვაასთორმეტი ლარი და 00 თეთრი) ლარის** ოდენობით, საქართველოს კანონმდებლობით დადგენილი ყველა გადასახადის გათვალისწინებით (მათ შორის დღგ). სავარაუდო ღირებულება მიღებულია სახარჯთაღრიცხვო დოკუმენტიდან, რომელიც შედგენილია ინფრასტრუქტურული პროექტების მართვის სამსახურის მიერ, საქართველოს ეკონომიკისა და მდგრადი განვითარების მინისტრის 2012 წლის 12 ივლისის #1-1/1463 ბრძანების, საქართველოს მთავრობის 2014 წლის 14 იანვრის #55 დადგენილების გათვალისწინებით და ააიპ მშენებლობის შემფასებელთა კავშირის მიერ გამოცემული „სამშენებლო რესურსების ფასთა კრებულისა და მეთოდური ცნობის“ 2023 წლის I კვარტლის ფასების მიხედვით (აღნიშნული დოკუმენტაციის მომზადება სხვა სამსახურებრივ ფუნქციებთან ერთად წარმოადგენს ამ სამსახურის ფუნქციას, რომელიც განსაზღვრულია შესაბამისი დებულებით).
5. მოთხოვნა პრეტენდენტის გამოცდილების შესახებ: „შესყიდვაში მონაწილეობის მსურველ პირს, უკანასკნელი 2 სრული წლის (2021 წლის 1 იანვრიდან – 2023 წლის 1 იანვრის ჩათვლით) განმავლობაში საჭიროა ჰქონდეს შესრულებული წელიწადში საშუალოდ 621624.00 (ექვსასოცდაერთიათას ექვსასოცდაოთხი) ლარის ოდენობის ანალოგიური ხასიათის, სირთულის და შინაარსის სამუშაოები. ანალოგიური სირთული, ხასიათის და შინაარსის სამუშაოებში ითვლება სამშენებლო სამუშაოები ან შენობის მშენებლობა/რემონტი/რეკონსტრუქციის სამუშაოები“. პრეტენდენტის გამოცდილების შესახებ მოთხოვნა განისაზღვრა სსიპ სახელიმწიფო შესყიდვების სააგენტოს მიერ მომზადებული რეკომენდაციის შესაბამისად („რეკომენდაცია კვალიფიკაციის დამადასტურებელ მოთხოვნებთან დაკავშირებით), შემდეგი ფორმულის გამოყენების საშუალებით:
$$\Sigma = (E \times 12 \times M) / D$$
, სადაც: E – წინამდებარე ტენდერით განსაზღვრული შესყიდვის ობიექტის სავარაუდო ღირებულებას ლარებში; D – წინამდებარე ტენდერით განსაზღვრული შესყიდვის ობიექტის მიწოდების პერიოდის ხანგრძლივობა თვეებში (შესაბამისად, ფორმულის მრიცხველი მრავლდება რიცხვ 12-ზე, ერთი სრული წლის შესაბამისი ოდენობის დაანგარიშებისთვის); M – მულტიპლიკატორი, რომლის ოდენობა კონკრეტული შესყიდვისათვის განისაზღვრა 0,5-ით.
6. სამუშაოთა შესრულების ვადა: გამარჯვებულმა პრეტენდენტმა სამუშაოები უნდა დაიწყოს ხელშეკრულების გაფორმებიდან არაუმეტეს 10 სამუშაო დღის ვადაში და დაასრულოს ხელშეკრულების გაფორმებიდან 90 კალენდარული დღის ვადაში (3 თვე).

ყოველივე ზემოაღნიშნულის გათვალისწინებით, სატენდერო კომისიამ შეიმუშავა ტენდერის ჩატარების შესახებ განცხადებისა და სატენდერო დოკუმენტაციის საბოლოო პროექტი და დაადგინა მოთხოვნები, რომლებსაც უნდა აკმაყოფილებდეს ტენდერში მონაწილე ყველა პრეტენდენტი.

კომისიამ დაადგინა:

1. დამტკიცდეს ბორჯომ-ხარაგაულის ეროვნული პარკის ადმინისტრაციის ბორჯომის ვიზიტორთა ცენტრის შენობის და მიმდებარე ტერიტორიის კეთილმოწყობისა და რეაბილიტაციის სამუშაოების

შესყიდვის მიზნით აუქციონის გარეშე გამოსაცხადებელი ელექტრონული ტენდერის ჩატარების შესახებ განცხადების ტექსტი და სატენდერო დოკუმენტაცია.

2. შესყიდვის ობიექტის სავარაუდო ღირებულება **310812.00 (სამასათიათას რვაასთორმეტი ლარი და 00 თეთრი) ლარის** ოდენობით საქართველოს კანონმდებლობით დადგენილი ყველა გადასახადის გათვალისწინებით (დღგ-ს ჩათვლით).

3. შეთავაზების ფასის კლების ბიჯი განისაზღვროს **3108.00** ლარის ოდენობით (შესყიდვის სავარაუდო ღირებულების 1%).

4. დაევალოს სატენდერო კომისიის აპარატს უზრუნველყოს სატენდერო განცხადებისა და სატენდერო დოკუმენტაციის განთავსება სახელმწიფო შესყიდვების ერთიან ელექტრონულ სისტემაში.

5. შესყიდვის ტიპი: ელექტრონული ტენდერი აუქციონის გარეშე (NAT).



დავით იოსებაშვილი

თავმჯდომარე



ბესიკ კუსიდი

თავმჯდომარის მოადგილე




თომა დეკანოძე

თავმჯდომარის მოადგილე



გიორგი დოლიძე

სამსახურის უფროსი



მირზა დევიძე

სამსახურის უფროსი



ირაკლი გოდუაძე

სამსახურის უფროსი




ეკატერინე ძნელაძე

სამსახურის უფროსი



დავით კოპალიანი




სამსახურის უფროსის მოადგილე

გიგა მენაბდიშვილი



მთავარი სპეციალისტი

მარიამ იაშაღაშვილი



შრომითი ხელშეკრულებით დასაქმებული პირი